

Mo oburk a chaidireng (Myocarditis) ra uriul ra blam nguu a Orus er a COVID-19: Ngera kirir ar Chedam mar Chedil mar Mekekerei el Chad el mo Medengei



Ngera myocarditis?

Myocarditis (ma pericarditis) a tekoi el smodii a chaidirengud sel oburk ra chelsel malechub eng burk el meliuek ra chaidireng. A ikel blechoel el bo domelechiesiu el olangch a uldimukl er ngii a meringel a ulud, kedeb a telid, e mo omelechiesiu er a chaidirengud el kmal bekerurt el melkedukem. A ikel soldau er a bedenged el okeuad a rakt ma bailing a mo uchul eng mo oburk leng mo smecher, el virus a uchul.

Myocarditis a diak el blechoel duubech e diak el omekodall.

Ngar ngii a mekesai er a 200,000 el keis ra myocarditis el mla mor ngii ra chelsel a beluu ra Merikel ra bek el rak, el di kesai ra 2% a mlo uchul a kodall. Ng dirkak a kodall el mla mor ngii el mlara myocarditis el blal dangch el mukdubech el oek a ngeiul a orus ra COVID-19 ra chelsel a Merikel.



- E tiang a diak a klaodengei er ngii el kmo ngbekuiueuul
- Oumesind ra mla morngii el keis a di beot el diak el meringel
- A ukeruul el mor ngii a di mekesai, di ngara okedmeklel a olangchelel a secher

Ngar ngii a roel el mo ra orus er a COVID-19?

Ng sebechel. Sel mo kngtil er a uriul ra omnguu orus a kmal dersta el borngii, engdi sebechel el duubech. Tial myocarditis a dirrek el sebechel el mor ngii ra rechad el dirkak el nguu a orus. Ngdiak el sebechir el kmo tia diak el sebechel duubech a uchul ma chosebechakl ra Center for Disease Control and Prevention (CDC: Obis ra Tebechelel a Bailing/Rakt/Secher ma Terbengel). Elechad ra a mla oterkeklii el kmo "nglocha ngar ngii a delongelel" myocarditis ma pericarditis ma mRNA el orus ra COVID-19 (milruul ra Moderna ma Prizer-BioNTech).

Ngera olangch ma olechotel a kirek el mo kerkikl er a uriul rak nguu a orus?

Oumesind ra mla morngii el secher a mla duubech ra chelsir ar ngeasek mar mekekerei el sechal el ngariou a rekir ra 30. A olangchelel a secher a blechoel el mor ngii ra uriul ra lenguu a ongerul dose ra orus.

A CDC a kmal olengit me tirkel chad el dirk ngiluu a orus a kmal kirir el mora ukeruul alsekum eng duubech a ngiidil cholangch ra uriul ral nguu a orus, tokubets ra chelsel sel kot el sandei er uriul ra orsul:



- Meringel a ulul
- Kedeb a telid
- Omelechiesiu er ngii el kmal melkedukem a ulul, suebek a rengul, ma lechub eng kmal omomb a chaidirengul

A techall el morngii a ikaikid el mo duubech a kmal cheroid. Maluaisei, mereched el osiik a ukeruul alsekum kemo omelechiesiu a ngiidil tara ikal olangch.

Bo modengei, ngdi hutsu el bo mo melechesiu a di beot el mo oikab el olangchelel a secher el orus a uchul, uldimukl a mekeald, meringel a bdelud, mesaul a bedenged, ma meringel a omechoel/techel a bedenged, er sel kot el sandei ra uriul ra omnguu a orus ra COVID-19. A ikaikid el secher el bo momelechiesiu ra uriul ra omnguu a orus a blechoel el omuchel ra chelsel a edei el klebesei ra omnguu a orus e di ngar ngii el di sesel klebesei e mo diak.

A ngeiul a orus a kmal ungil el omeliit

Sel klou el klungiolel a orus a ngosukid el oridid er a techall el mo uchul a telemellel a myocarditis. A orus a kmal oureor el olekebai a kodall ma secher, e dirrek el ngar ngii alsebecheklii el kirel a beches, lmuut el kengaol el beches bedengel a rakt el mukdubech ra ikaikid el virus el ngar ngii.